

507.

Na osnovu člana 11. n) odjeljak A, poglavlje V, Ustava Unsko-sanskog kantona – prečišćeni tekst („Službeni glasnik Unsko-sanskog kantona“ broj: 1/04 i 11/04), člana 95. i 98. Poslovnika Skupštine Unsko-sanskog kantona („Službeni glasnik Unsko-sanskog kantona“ broj: 05/04.) Skupština Unsko-sanskog kantona, na 37. sjednici održanoj dana 11.06.2013. godine, donosi sljedeći:

ZAKLJUČAK

I

Traži se od Vlade Unsko-sanskog kantona da iznađe finansijska sredstva i da finansijski podrži aktivnosti Sportskog saveza u skladu sa usvojenim Budžetom Unsko-sanskog kantona za 2013. godinu.

II

Ovaj zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj 01-02-4-565/13 Predsjedavajući Skupštine
11. juna 2013. godine Unsko-sanskog kantona
B i h a ć **Admir Hadžipašić**, dipl. pravnik

508.

Na osnovu člana 11. n) odjeljak A, poglavlje V, Ustava Unsko-sanskog kantona – prečišćeni tekst („Službeni glasnik Unsko-sanskog kantona“ broj: 1/04 i 11/04), člana 95. i 98. Poslovnika Skupštine Unsko-sanskog kantona („Službeni glasnik Unsko-sanskog kantona“ broj: 05/04.) Skupština Unsko-sanskog kantona, na 37. sjednici održanoj dana 11.06.2013. godine, donosi sljedeći:

ZAKLJUČAK

I

Traži se od Vlade Unsko-sanskog kantona da za oblast sporta, planira sredstva rebalansom budžeta za 2013.godine, a u skladu sa Zakonom o sportu Unsko-sanskog kantona („Službeni glasnik Unsko-sanskog kantona“ broj:15/10.).

II

Ovaj zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj 01-02-4-566/13 Predsjedavajući Skupštine
11. juna 2013. godine Unsko-sanskog kantona
B i h a ć **Admir Hadžipašić**, dipl. pravnik

509.

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), a u vezi sa članom 179. stav 1. tačka 1. i 183. stav 1. tačka 5. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06 i 43/10), članom 32a. stav 2. tačka 2. Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije Bosne i Hercegovine“, broj: 75/04, 38/06, 52/09, i 56/09) i Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije Bosne i Hercegovine“, broj: 4/12), na prijedlog Kantonalne uprave civilne zaštite, Vlada Unsko-sanskog kantona na sjednici održanoj dana 13.06.2013. godine, donosi

ODLUKU

O POSTUPKU I KRITERIJIMA ZA DODJELU JEDNOKRATNE NOVČANE POMOĆI OPĆINAMA ZA OTKLANJANJE ŠTETA NASTALIH OD PRIRODNIH I DRUGIH NESREĆA

POGLAVLJE I OSNOVNE ODREDBE

Član 1.

(predmet Odluke)

Ovom Odlukom uređuje se postupak, uslovi i kriteriji za dodjelu jedнокratne novčane pomoći općinama koja ima karakter interventne pomoći ili granta za hitne intervencije i saniranje dijela šteta koje nastanu od prirodnih i drugih nesreća iz sredstava Budžeta Unsko-sanskog kantona (u daljem tekstu: Kanton) koja se planiraju za te namjene.

Član 2.

(definicije)

(1) Prirodnom nesrećom smatraju se događaji koji su uzrokovani djelovanjem prirodne sile na koju ljudski faktor ne može uticati kao što su: potres, poplava, visoki snijeg i snježni nanosi, olujni ili orkanski vjetar, grad, prolom oblaka, klizišta, suša, hladnoća, masovne pojave ljudskih, životinjskih ili biljnih bolesti.

(2) Drugom nesrećom smatraju se velike nesreće u cestovnom, željezničkom, zračnom, ili pomorskom saobraćaju, požar, rudarske nesreće, rušenje brana, nuklearne ili druge nesreće koje uzrokuje čovjek svojim aktivnostima, rat, vanredno stanje ili drugi oblici masovnog stradanja ljudi i uništavanja materijalnih dobara.

Član 3.

(izvori sredstava za dodjelu pomoći)

Jednokratna novčana pomoć iz člana 1. ove Odluke dodjeljuje se iz sljedećih sredstava:

- a) iz Budžeta Kantona odnosno sredstava koja se obezbjeđuju u skladu sa članom 179. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine", broj: 39/03, 22/06 i 43/10), (u daljem tekstu: Zakon o zaštiti i spašavanju),
- b) iz sredstava Budžeta Kantona ostvarenih po osnovu posebne naknade za zaštitu od prirodnih i drugih nesreća u skladu sa tačkom VI Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije Bosne i Hercegovine", broj: 4/12).

Član 4.

(namjene za koje se koriste sredstva)

Sredstva iz člana 3. ove Odluke mogu se koristiti isključivo za:

- a) finansiranje hitnih mjera zaštite i spašavanja u toku djelovanja prirodne ili druge nesreće kao što su: evakuacija, prihvatanje i zbrinjavanje ugroženog stanovništva i imovine, osiguranje prometa i drugih hitnih mjera za zaštitu i spašavanje ugroženih ljudi i materijalnih dobara, te sprječavanje širenja opasnosti od nepogoda i njihovih posljedica.
- b) pružanje pomoći za ublažavanje i otklanjanje direktnih posljedica prirodne ili druge nesreće nakon procjene šteta, provođenje zdravstvenih i higijensko-epidemioloških mjera (dezinfekcije, dezinfekcije i deratizacije), provođenje veterinarskih i mjera zaštite od biljnih bolesti i štetočina, organizaciju minimalnih komunalnih i drugih potreba stanovništva do normalizacije života na ugroženom području.
- c) finansiranje i isplatu naknade za rad i neophodne troškove izlaska na teren komisije za procjenu šteta od prirodnih i drugih

nesreća u skladu sa članom 9. Uredbe o jedinstvenoj metodologiji za procjenu šteta od prirodnih i drugih nesreća, (u daljem tekstu: Uredbe o procjeni šteta), ali samo za vrijeme angažovanja na procjeni konkretnih šteta na terenu i provođenja obuke općinskih komisija za procjenu šteta u cilju predlaganja i preduzimanja hitnih mjera i pružanja pomoći za ublažavanje posljedica prirodne ili druge nesreće iz tačke a) i b) ovog stava.

Član 5.

(organ koji usvaja odluku)

O dodjeli jednokratne novčane pomoći iz člana 3. ove Odluke odlučuje Vlada Unsko-sanskog kantona (u daljem tekstu: Vlada Kantona) na prijedlog Kantonalne komisije za procjenu šteta od prirodnih i drugih nesreća, (u daljem tekstu: Kantonalna komisija).

Član 6.

(isplata akontacije)

(1) U hitnim slučajevima direktor Kantonalne uprave civilne zaštite može donijeti Odluku o isplati pojedinačne akontacije iz sredstava posebne naknade za zaštitu od prirodnih i drugih nesreća, po svakom zahtjevu općinskog načelnika u visini 20.000,00 KM.

(2) U slučaju iz stava 1) ovog člana konačni iznos pomoći umanjice se za iznos isplaćene akontacije odobrene općini po okončanju procedura iz ove Odluke.

POGLAVLJE II

POSTUPAK ZA DODJELU JEDNOKRATNE NOVČANE POMOĆI

Odjeljak A - ZAHTJEV ZA DODJELU POMOĆI

Član 7.

(postupak za dodjelu pomoći)

Općina može podnijeti zahtjev za dodjelu jednokratne novčane pomoći iz sredstava Kantona predviđenih u članu 3. ove Odluke u dva slučaja:

- a) za hitne intervencije,
- b) za saniranje nastalih šteta,

(2) Jednokratnu novčanu pomoć za slučajeve iz stava 1. ovog člana, općina prvo traži od Vlade Kantona, pa ako Vlada Kantona nije u mogućnosti iz sredstava kantona udovoljiti zahtjevu općine ili je dodjelila samo dio tražene pomoći, u tom slučaju Vlada Kantona zahtjev općine dostavlja

Vladi Federacije Bosne i Hercegovine za dodjelu te pomoći iz sredstava Federacije Bosne i Hercegovine.

(3) Zahtjev za dodjelu jednokratne novčane pomoći iz stava 1. ovog člana za općinu podnosi općinski načelnik.

Odjeljak B - ZAHTJEV ZA DODJELU POMOĆI ZA HITNE INTERVENCIJE

Član 8.

(zahtjev za dodjelu pomoći za hitne intervencije)

(1) Zahtjev za dodjelu jednokratne novčane pomoći za hitne intervencije podnosi se u slučaju kada nadležni općinski organ zbog veličine i intenziteta nesreće, njenih posljedica po ljude i materijalna dobra i normalno odvijanje života na ugroženom području, proglasi nastanak prirodne ili druge nesreće na području općine, a općini je zbog nedostatka vlastitih sredstava potrebna pomoć iz sredstava Budžeta Kantona.

(2) Zahtjev iz stava (1) ovog člana općinski načelnik podnosi u toku vođenja aktivnosti na spašavanju ljudi i materijalnih dobara koji su ugroženi ili nastradali od prirodne ili druge nesreće, kada je novčana pomoć neophodna radi preduzimanja određenih hitnih - interventnih mjera na zaštiti i spašavanju.

(3) Zahtjev iz stava (1) ovog člana podnosi se na obrascu H-Š-1 - Zahtjev općine za dodjelu jednokratne novčane pomoći za hitne intervencije čiji je sadržaj i izgled utvrđen Odlukom o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije Bosne i Hercegovine" broj: 60/06, 8/10), (u daljem tekstu: Odlukom za dodjelu pomoći općinama i kantonima).

(4) Uz zahtjev iz stava (2) ovog člana prilaže se obrazac PR-Š-1 iz člana 25. stav 3. tačka 1. i dokumenta iz člana 30. stav 1. tačka 1. do 5. Uredbe o procjeni šteta.

(5) Zahtjev iz stava (1) ovog člana podnosi se Vladi Kantona putem Kantonalne uprave civilne zaštite koja taj zahtjev odmah dostavlja Kantonalnoj komisiji na nadležni postupak.

Odjeljak C - ZAHTJEV ZA DODJELU POMOĆI ZA SANIRANJE ŠTETA

Član 9.

(zahtjev za dodjelu pomoći za saniranje šteta)

(1) Zahtjev za dodjelu jednokratne novčane pomoći za saniranje šteta, općina može podnijeti samo kada svojim sredstvima nije u mogućnosti izvršiti finansiranje svih radnji na saniranju nastalih šteta koje je neophodno sanirati radi stvaranja osnovnih uslova za život i rad ljudi na ugroženom području.

(2) Zahtjev iz stava (1) ovog člana sadrži sljedeće podatke:

- a) naziv i adresu općine,
- b) naziv prirodne ili druge nesreće, datum proglašenja nastanka i proglašenja prestanka prirodne ili druge nesreće,
- c) datum i broj akta kojim općina dodjeljuje jednokratnu novčanu pomoć za saniranje šteta nastalih djelovanjem prirodne ili druge nesreće,
- d) iznos finansijske pomoći koja se traži od kantona,
- e) konkretne mjere odnosno zadatke za čije se finansiranje pomoć traži,
- f) podatke o visini sredstava posebne naknade za zaštitu od prirodnih i drugih nesreća koje je općina planirala za saniranje šteta od prirodnih i drugih nesreća u tekućoj godini i utrošku tih sredstava,
- g) podatke o visini redovnih budžetskih sredstava koje je općina planirala u skladu sa članom 179. tačka 1. Zakona o zaštiti i spašavanju za saniranje šteta nastalih od prirodne ili druge nesreće i utrošku tih sredstava u tekućoj godini,
- h) podatke o redovnim budžetskim sredstvima koja je općina planirala i utrošila za prevenciju od prirodnih i drugih nesreća u oblastima za koje je nadležna u tekućoj godini,
- i) podatke o dobijenoj finansijskoj i drugoj pomoći od nevladinih organizacija, susjednih općina i drugih izvora utvrđenih Zakonom o zaštiti i spašavanju.

(2) Uz zahtjev se prilaže sljedeća dokumentacija:

- a) izvještaj o procjenjenoj šteti iz člana 29. Uredbe o procjeni šteta,
- b) zbirni pregled šteta - tabela 1. tačka 1. člana 27. Uredbe o procjeni šteta,
- c) akt nadležnog organa kojim je proglašen nastanak prirodne ili druge nesreće na području

općine i akt o proglašenju prestanka stanja prirodne i druge nesreće,

- d) akt o imenovanju općinske komisije za procjenu šteta,
- e) akt nadležnog organa općine o usvajanju izvještaja o procjenjenoj šteti iz člana 29. Uredbe o procjeni šteta.

(3) Zahtjev iz stava (1) ove tačke može se podnijeti najkasnije u roku od tri mjeseca od dana kada je nadležni organ općine proglasio prestanak stanja prirodne ili druge nesreće.

(4) Zahtjev iz stava (1) ovog člana općinski načelnik podnosi Vladi Kantona na rješavanje. Zahtjev se putem Kantonalne uprave civilne zaštite dostavlja Kantonalnoj komisiji na postupanje.

POGLAVLJE III USLOVI ZA DODJELU POMOĆI

Odjeljak A - USLOVI ZA DODJELU POMOĆI ZA HITNE INTERVENCIJE

Član 10.

(uslovi za dodjelu pomoći za hitne intervencije)

(1) Jednokratna novčana pomoć za hitne intervencije općini se može dodijeliti u toku djelovanja prirodne ili druge nesreće kada je situacija na ugroženom području takva da se moraju preduzimati određene neodložne i hitne mjere koje imaju za cilj da se utiče na sprečavanje širenja prirodne ili druge nesreće, odnosno radi preduzimanja mjera i aktivnosti koje su nužne za spašavanje ugroženih i nastradalih ljudi i stvaranja neophodnih uslova za život na ugroženom području samo pod sljedećim uslovima:

- a) da općina ima organizovane snage civilne zaštite,
- b) da je općina obezbijedila prikupljanje sredstava po osnovu člana 180. Zakona o zaštiti i spašavanju,
- c) da općina koja je ugrožena prirodnom ili drugom nesrećom nema dovoljno sredstava za te namjene.

(2) Kada su ispunjeni uvjeti iz stava (1) ovog člana Kantonalna komisija može predložiti dodjelu jednokratne novčane pomoći za hitne intervencije.

Odjeljak B - USLOVI ZA DODJELU POMOĆI ZA SANIRANJE ŠTETA

Član 11.

(uslovi za dodjelu pomoći za saniranje šteta)

Jednokratna novčana pomoć za saniranje šteta koje su nastale djelovanjem prirodne ili druge nesreće može se odobriti kada se na osnovu izvršene procjene šteta utvrdi.

- a) da je šteta velika a općina na čijem području je nastala prirodna ili druga nesreća svojim sredstvima ne može sanirati nastale štete,
- b) da je nastala šteta takve vrste i obima koji onemogućava normalan život i rad ljudi na ugroženom području pa je njihovo otklanjanje neophodno u što kraćem roku.

POGLAVLJE IV RAD KANTONALNE KOMISIJE

Član 12.

(razmatranje zahtjeva i utvrđivanje prijedloga odluke)

(1) Kada Kantonalna komisija primi zahtjev općinskog načelnika za dodjelu pomoći dužna ga je odmah uzeti u razmatranje i u roku od sedam dana od dana prijema podnesenog zahtjeva utvrditi prijedlog odluke za dodjelu pomoći.

(2) Ako Kantonalna komisija utvrdi da sadržaj zahtjeva nije usklađen sa članom 8. i 9. ove odluke tražiće od podnosioca zahtjeva da se zahtjev dopuni i u roku iz stava (1) ovog člana utvrditi prijedlog Odluke za dodjelu pomoći općini, a ako se zahtjevu ne može udovoljiti, daje obrazloženje zašto se pomoć ne može dodijeliti.

Odjeljak A - RJEŠAVANJE ZAHTJEVA ZA DODJELU POMOĆI ZA HITNE INTERVENCIJE

Član 13.

(rješavanje zahtjeva dodjelu pomoći za hitne intervencije)

(1) Prilikom utvrđivanja prijedloga Odluke za dodjelu jednokratne novčane pomoći za hitne intervencije Kantonalna komisija u obzir uzima sljedeće podatke:

- a) orijentacionu veličinu područja zahvaćenog prirodnom ili drugom nesrećom izraženu u hektarima,
- b) broj ljudskih žrtava i teže i lakše povrijeđenih,
- c) orijentacioni broj porušenih i oštećenih stambenih objekata,

- d) orijentacioni broj porušenih i oštećenih infrastrukturnih objekata,
- e) prvu preliminarnu procjenu šteta izraženu u finansijskim pokazateljima i mjerama koje se preduzimaju za čije finansiranje se pomoć traži,
- f) datum kada je općina obavijestila Kantonalni operativni centar civilne zaštite o donošenju odluke o proglašenju stanja prirodne ili druge nesreće na području općine,
- (2) Procjenu podataka iz stava (1) ovog člana Kantonalna komisija vrši u skladu sa uslovima iz člana 10. ove Odluke.

Član 14.

(sadržaj odluke za dodjelu pomoći za hitne intervencije)

(1) Dodjela jednokratne novčane pomoći za hitne intervencije vrši se Odlukom koja sadrži sljedeće podatke:

- a) naziv općine kojoj se dodjeljuje pomoć,
- b) iznos jednokratne novčane pomoći,
- c) namjena za koju se pomoć može koristiti,
- d) obavezu dostavljanja izvještaja o utrošku dodjeljenih novčanih sredstava.

(2) U jednoj Odluci može se odrediti jednokratna pomoć za više općina kojima se istovremeno dodjeljuje pomoć za hitne intervencije s tim da se za svaku općinu pojedinačno daju podaci iz stava (1) ovog člana.

Odjeljak B - RJEŠAVANJE ZAHTJEVA ZA DODJELU POMOĆI ZA SANIRANJE ŠTETA

Član 15.

(rješavanje zahtjeva za dodjelu pomoći za saniranje šteta)

(1) Prilikom utvrđivanja prijedloga Odluke za dodjelu jednokratne novčane pomoći za saniranje šteta nastalih djelovanjem prirodne ili druge nesreće, Kantonalna komisija u obzir uzima naročito sljedeće podatke:

- a) štetne posljedice za ljude:
 - 1) broj ljudskih žrtava,
 - 2) broj povrijeđenih,
 - 3) broj oboljelih,
 - 4) broj evakuiranih
- b) štetne posljedice po materijalna dobra:
 - 1) broj porušenih i oštećenih stambenih objekata u vlasništvu građana i pravnih lica,

2) broj porušenih i oštećenih infrastrukturnih objekata,

3) štete na drugim materijalnim dobrima (zemljište, oprema, zasadi, šume, stoka i dr.)

c) veličina područja zahvaćenog prirodnom ili drugom nesrećom,

d) visina pričinjene štete iskazane u finansijskim pokazateljima,

e) ekonomska razvijenost općine koja traži pomoć,

f) mogućnosti općine da iz svojih sredstava koja se osiguravaju u skladu sa članom 179. i 180. Zakona o zaštiti i spašavanju izvrši finansiranje potreba na saniranju posljedica nastalih od prirodne ili druge nesreće,

g) visina finansijskih ulaganja općine u fazi provođenja zaštite i spašavanja ljudi i materijalnih dobara u toku trajanja prirodne ili druge nesreće,

h) druge podatke od značaja za normalizaciju života ljudi na ugroženom području.

(2) Procjenu podataka iz stava (1) ovog člana Kantonalna komisija vrši u skladu sa uslovima iz člana 11. ove Odluke.

Član 16.

(sadržaj odluke za dodjelu pomoći za saniranje šteta)

Dodjela jednokratne novčane pomoći za saniranje šteta vrši se Odlukom koja se izrađuje na način predviđen u članu 14. ove Odluke.

Član 17.

(štete za koje se ne dodjeljuje pomoć)

Prilikom utvrđivanja prijedloga za dodjelu jednokratne novčane pomoći za saniranje šteta u obzir se ne uzimaju sljedeće štete:

- a) štete koje nastanu od prirodne ili druge nesreće zbog nepreduzimanja propisanih mjera zaštite,
- b) štete koje nastanu zbog krajnjeg nemara,
- c) štete koje su izazvane namjerno,
- d) indirektna šteta (izgubljeni prihodi zbog ne obavljanja djelatnosti u oblasti transporta, ugostiteljstva, trgovine i drugim djelatnostima),
- e) štete na dugogodišnjim nasadima (voćnjaci i vinogradi) osim u godini štete,
- f) ako šteta nije prijavljena i procjenjena po postupku i u roku predviđenom ovom Odlukom,
- g) štete nastale na objektima koji su izgrađeni bez odobrenja za građenje.

